

مدیر ابن السری
احمد جودت

مؤسس: ابن السری
مصطفی نامق

آشیان

ادبی، علمی، سیاسی، اجتماعی، فنی، اخلاقی هفته‌ای مجموعه در.

پنجشنبه

ایکونجی جلد

نومرو ۱۹

برنجی سنه

۲۸ ذی الحجه ۱۳۲۶

۸ کانون ثانی ۱۳۲۴

مذرجات

کرید ایچون	خلیل نهاد	روح مندور	تحسین باجید
دفع کدر	جناب شهاب الدین	غفل دررادر	مصطفی نامق
خیانته سوریشکر	علی سعاد	قلندر	
اهام غزالی	احمد فرید	اخلاقی سیامی	سرور جمال
		غنور	مشتاق


استانبول

محل اداره سی: چغل اوغلندره اداره مخصوصه

چغل اوغلندره اباسوفیا جاسنده مطبعه خیریه: رشک

۱۳۲۴





عفو

- مابعد -

- سزى اولديرمكه حقم يوق، ديدم، فقط جزالانديرمغه حقم وار...
درحال سوزمى كسدى :
- يانم حقوقم، حر برقادينك نائل اولدينى حقوق ! بونردده قاليور؟
بونى نه ياپيورسكز باقميم؟
بر آز توقفدن صكره علاوه ايتدى :
- بن سزدهكى حس انتقامه قارشى بوندن بو حقلرمدن، هپسندن،
هپسندن وازكچدم؛ يالكز بردانهسى، عمرم اولدقچه سزدن نفرت ايتك حقى
محافظه ايده جكم...
بر زمانلر بي پايان بردرياي عشق و غرام كوزلرده شيمدى اويابه درين بركين
وغرض واردى كه كوزلرمى چويرمكه مجبور اولمشدم. كنديمى طويلايه رق
صوك بر قوتله :
- سزدن ايستدك شى بنى سومه كر دكل، ديدم، خاير بودكل؛ ايكمزكده
حياتتى خراب ايتديكر، بن يالكز سزه جزا ويرمكه قالمايه جقم، كندمده
اوجزايي چكه جكم : ايسته بن بونى آكلامه كرى ايسته يورم...
آرتق محاوردي كسه جكم؛ صوردى .
— نه وقت كيديبورز؟
- لوويه رده كي اومن الحبق التى هفته يه قدر او طوريله جق حاله كله بيلاير؛
ايسترسه كر اووقته قدر بر آز سياحت ايدرز .
دوداقلرنده محقر بر تبسم بايرمشدى :
- سياحت مى؟ دقت ايديكز، بالكه قاچارم، بر محافظ آلسه كر نانا
اولماز...

آرتق بن دها زیاده تحمل ایده میه جگمی اکلا یه رق اوطه دن چیقدم .
 اوکیجه مجنونانه تصورات ایله قاینایان قائمه براز سکون ویرمکه اوغراشدم .
 زوجهم بولوندینی دوره بحران ایچیده وجودینی صارصان تهیج لرله شدتلی
 برحایه طوتولمشدی . صباحلین اویانجه اوطه سندن صایقه لایمه یه بکزر برس
 ایشتم . قانی بی چالدم ، جواب ویرمدی . اندیشناک برحالده ایجری یه کیردم .
 غی کوچ حالله طانیه بیلدی . همان دوقتوری چاغرتدم . صایقه لایمه دوره سی ایکی
 کون دوام ایتدی ؛ نهایت حرارت ده کسیدلی ؛ فقط اوقدر صارصلمشدی که
 دوقتور اون سکر کون استراحت توصیه ایتدی . رهن کنارنده فوره نوار
 طرفلرینه کیده رک اوراده برقاچ هفته قالدقن صکره حزیران نهایتده
 لویه ره کلدک .

هنوز انشا آت ختام بولمامشدی . شو قله ایله ایکی باصیق سالونده براشمکه
 مجبور اولدق . زوجهمه بو اوطوردیغمز اوطه یی تخصیص ایتدم . بنده
 اوستنده کی اوطه ده ، عادتا انباره بکزه یین کهنه بریرده یاتیوردم . بنانک
 یانمزدکی قسمنده حالا عمله چالشیوردی . بالاخره پک چوق ذوقه کیدن
 ترسه هنوز ناآمام ، چیچک باغچه سی قارمه قارشیق بولونیوردی . هر طرفده
 برانتظامسزلق ، جان صیقیجی برقسوت واردی . اوکابر (اولق اوزره محبس) یایدیردیغم
 بو بناده حرارت حیاتی بوتون شدتیه حس ایتدیرمک ایچون یوندن مناسب
 زمان اوله مازدی ، ذاتاً بو حال نیم بیله نظر دقتمی جلب ایتشدی . خاطرینه
 برشی کله سین دیه اعتذار ایتدم . او ، بو حالدن متعجب اولمامش کی کورندی
 حتی آغزینی آچوب برکته شکایت بیله سویله مدی . هر شئی عینی لاقیدی
 محتضرانه ایله قبول ایدیورمش کی برحال سکوتی واردی . کیم بیلیر بکه ده
 بن بوطنمده الدانیوردم . بو احتمال دها غالب ایدی ؛ چونکه حالنده مایوس
 اولدینه شبهه یوقدی . فقط عظمت نفس مانع شکایت اولدینی ایچون سس
 چیقارما یه رق قاتلانیور . یالکز بونده کوردیکی آجی یی قادیناغک الک مؤثر
 سلاحی اولان صبر و سکونتله بکا هر دقیقه احساس ایتمکه اولانجه قوتیه
 چالشیوردی . بورایه کلنجه اوطه سنی صورمشدی : کوستردم . اؤک باشه هیچ

بریرینی کزمدی ؛ دکل عملیه ، حتی خدمتچیلره بیله برامر ویرمیور ، بورایه کندی اوی نظریله باققدن تخاصی ایدرک . بنی کوردکجه زندانچی یه تصادف ایدن محبوسلر کی بروض احتراز آلیوردی . او طه سنک طرز تفریش وتنظیمی حقنده هیچ برشی سویله مدی . بن باغچه ایچون برچوق چچکلر کتیر تمشدم . منکشه لری چوق سودیکنی بیلوردم ؛ چچک باغچه سنی هپ منکشه ایله طولدیردم . فقط او یله حس ایدیوردم که بودلنوازانه معامله لر او کا عفف وشدتن دها آغیر و آجی کلیوردی .

زوجه می اوه آلیشدریمق ، اوقادینانی وظائفی یاواش یاواش درعهده . ایتدیرمک ایچون نه قدر او غراشدیغمی ، نه قدر صبر و تحمل کوستردیکمی ، نه خاطر وخیاله کلز حیلله مر اجعت ایتدیکمی تصور ایدم مرسک ... برقادین نه قدر اولسه ینه قادیندر ؟ قلبی جریحه دار اولدیمی الذدن ناصل کلیرسه نفسی او یله مدافعه ایدر ! . بزار ککلر بونی تقدیر ایدم میورز .

زوجه مدن هیچ بکه مدیکم حالده کوردیکم بوچوچوقجه و فقط حائنه عناد و مقاومت قارشیسندم بعضاً او یله حدتله نیر ، او یله حدتله نیردم که انسانلانی اونوته رق همان بر حمله ده ، برسوزلرله اونک قابنی تیرمق ایستردم : غیظ وحدت بکا بویله برحرکتک انسانیته یا قشیمادیغنی اونوته یرردی .

او ، بویله حدتلی زمانلردن صوکرده دها معند ، دها مقاوم اولوردی . آه نه مدهش کونلر کچیردم بیاسهک ! حالا دوشوندکجه بوقادین قابنده کی عزم و متانته ، فوران غضبه ناقابل تعمیر برخطایه دوشمه مک ایچون جناب حقتک اوزمانلر بکا ویردیکی صبر و تحمله تعجب ایدرم .

هویر آیاغه قالدی . برزمانلر قلمندن فنا حسلر کچیره رک او آرزولرک خاطرات آلمه سنی صانکه اوزرندن اتمق ایستیورمش کی او طه نک ایچنده کنیش و سبرع ، آدیملره کز نمکه باشلادی .

« بنی سرت ، حتی برآزده وحشی بولیورسک دکللی ؟ انکارده نه حاجت ! بنده کندی می او یله بولیورم . ماصه مک اوستندده طوران بورسمی کروریورمیسک ؟ بویوک والدمک رسمی . زوالای قادینک برخطرده اوله رق بکا برقادینی شو .

تصویر عیسی قارشیسندده قاچ دفعه کنیدی سرتاسکه، وحشیاسکه اهام
ایتمشدم! بوش-چن وقتلرمی اشغال ایچون اجدادمین ایکی کیشینک سرگذشتی
یازمغه باشلادم. اون دنجی عصرک حسیات اصیلانه سنه اشتراک ایش اولان
بو آدملرک احوال و خاطراتی بنم اولانجه عزم و متامتی صارسیوردی. اونلرک
متانت روحیهلری قدسیته بن کنیدی عجز وضعفمین، کنیدی کوشکلکمین
اونانیوردیم.

دیدیکم سرگذشتی یازمقدن اصل مقصدم زوجهه قارشی اتخاذا ایتدیکم
خط حرکت و قایع ماضیه آردسند برجت برات، برمثال بولمق، کنیدی
کندیمه باقی ایشته اوایکی ناموسلی آدمده سنک یرکده اولسهلردی بویله یاپارلر
وشیمدی بوراده بولونسه لر سنک شو حرکتکی تصویب ایدرلردی « دییه
بیلیمک ایدی.

مع مافیه زوجه می هیچ برتضیق معسوی آلتند بولوندرمیور، تحت
ترصدده اولدینغی بیله حس ایتدیرمه مک ایچون آلمدن کلنی یاپیوردیم. بورایه
کلدیکنز کوندن بری نه یازدیغمی، نه ده یازدین مکتوبلرک هیچ بری بنم آله
کچمه مشدی. یالکنز معنأ شدتلی برتأثیر آلتند بولوندرمیوردیم.
(مابعدی وار)

اسماعیل مشتاق

